

四庫全書存目叢書編纂委員會編

齊魯書社

四庫全書存目叢書

子部
第一六五冊

魯新登字 07 號

責任編輯：孫言誠 賀 偉

ISBN 7-5333-0478-0



9 787533 304782 >

95/10/9

四庫全書存目叢書·子部一六五

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 46.25 印張

1995 年 9 月第 1 版 1995 年 9 月第 1 次印刷

印數 1—100

ISBN 7-5333-0478-0

Z·27 子部定價：78300 圓

子部第一六五冊目次

子部·雜家類

楊園先生全集二十八卷

〔清〕張履祥撰
山東省圖書館藏清乾隆刻本

一

竹裕園筆語集十五卷

〔清〕李曰滌撰
中國科學院圖書館藏清乾隆李丹臣重刻本

二六七

雜著十種十卷

〔清〕王晔撰
北京圖書館藏清霞舉堂刻本

三九三

天中許子政學合一集不分卷

〔清〕許三禮撰
清華大學圖書館藏清康熙刻本

四四三

楊園先生全集二十八卷

〔清〕張履祥撰

山東省圖書館藏清乾隆刻本

附《四庫全書總目·楊園全書

三十四卷》提要

序

張楊園先生集甲戌秋朱熹
諭坤刻於山陰余既爲之序
矣考楊園遊戴山之門而言
學則推敬軒敬齋詆陽明又
嘗館於語溪氏而微詆其以
評騭制義矜勝蓋崇正學敦
踐履而後文藝者宜爲陸清
獻公所極稱而學者奉其集
如鴻寶也丙子闈試後香水
朱生史黉携其尊父選拔卷
所刻楊園集來請序云從陳
布衣梓得自海寧祝孝廉淦
善奉余壺爲卒讀視山陰本

序一

較精審因知選拔宗學以清
猷公為宗所由奉揚國其
奉清猷公也開榜伊迺黜倘
獲雋當益勵於學是集具在
潛玩服習由以漸臻薛胡以
歸於維閩非異人任也余故
不第以是集之廣其傳喜所

序上

願學者致厥志端厥趨相與

仰答

聖世崇儒之化焉

乾隆丙子仲秋月浙江督學使
者後學雷鏐敬書



楊園先生文鈔序

戊戌己亥間吾友耕餘過我春風堂誦楊園先生文歎曰其理
周程張朱其文韓柳歐蘇薛胡孰能兼哉時海昌所刻之板已
無復存其未刻者蜀山歿後幼孤失稿予求之數十年不可得
今夏五為硤川張氏訂年譜披故篋得之喜出望外以示門下
葉生夢麟蓋麟抱古心教內行素與流俗相徑庭者見而喜曰
近驚湖謀刻傳忘顧備忘之書猶存人間此則海內所想望而
不得見者登諸棗梨嘉惠後學其可緩乎遂屬予節其稍涉泛
作者存若干篇分四卷弁諸序之予維世之誦習舉業者語及
性理文字罔不詫為迂濶如葉生之企慕儒先惟恐其遺言之
楊園先生全集

序

十

湮沒者幾人哉是書之流傳倘僅以韓柳歐蘇目先生而不思
反躬而實體之豈楊園之所望於來學哉予雖耄猶當與海內
之士共勉之濮川後學陳梓識

讀訂楊園先生全書序

明之季也橫議請張人心惑溺程朱之學不傳而孔孟之道或幾乎晦矣楊園先生生當其時恪守子朱子居敬窮理之訓以實致其崇效卑法之功其遇彌艱其行彌篤其所有事不越人倫日用之常而念慮所存恒周乎天下後世蓋畜德如此其光大也先生之言曰聖人之於天道庸言之信庸行之謹盡之又曰求異於人卽異端也求合於人卽鄉愿也盡其當然之分斯依乎中庸也又曰詖淫邪遁之辭何必異端近日講學之家主靜悟者鄙躬行爲粗淺尊踐履者薄格致爲空言各蔽於一隅而不根極於理道生心害政正與邪說暴行無異其所以閉先

楊園先生全集

序

一

聖之道者又如此先生既沒二三同志相與錄其遺文然卒未有能繼其學者嗚呼自昔制義興而師所以教與弟子所以學無非是也人當誦詩讀書幾不知工文詞弋科第而外復有何事卽其間稍能自拔或亦思所興起而利誘勢奪終莫必其脫然無累以自固於禮義之域於此而好修立節不屑屑詞章名爵以爲身圖此其人已不多觀况夫志伊學顏守先待後者哉然而誠無不動塞無不開自先生起而後來賢知往往聲應氣求以嚴其辨百川之東迷途之復不可謂非先生反經之力之所及也或者謂孔子刪定贊修朱子集爲傳註以羽翼之道之所由明也先生著述不及六經疑若於衛道之功猶有所未盡

者不知道在千古迭更明晦聖人亦因其晦者而明之斯已矣其所以明之不必盡同夫各有當也先生不云乎經書從先儒發明已極詳盡但當擇善而從優柔厭飲期於自得不宜復有著述徒亂人意由是觀之先生祖述孔孟憲章程朱尊聞行知以明學術之正所爲當務之急救世之大權莫過乎此非必於經傳之外別有增益然後爲得也其有所撰錄則其不能自己之衷之所流露而非徒以立言富貴有比德前賢又無疑也淫是用本先生立教之旨以蒐輯遺書不敢苟同昔人求多取備之意有卑錄者有什錄七八者有什二三者總而覈之凡十有六宗曰經正錄曰願學記曰問曰曰備忘錄曰詩曰書曰初學備

楊園先生全集

序

二

忘曰學規曰訓子語曰答問曰門人所記曰言行見聞錄曰近古錄曰近鑑曰喪祭禘說曰農書卷帙之多寡各從其部淫竊不自揆以爲先生之書之必可信今傳後以維世道而正人心者畧具於此後之學者誠由先生之遺文追而溯諸昔賢往聖之所以爲教者以觀其淺深離合何如而恍然於斯道之不可誣焉則庶有賴夫乾隆辛酉秋八月旣望海昌後學祝淦謹序

辛酉省試余以奪解被放遂不復事舉子業寢食於三魚堂諸種書惟是積習所染一知半解未免仍似爲作文地步而茫然於入道之門也明年濮川陳先生見贈張楊園先生文鈔言言切實近裡大旨以窮理篤行爲主讀之始覺從入有路乃往懇全集陳先生曰祇存此鈔惟袁花祝孝廉處有全集本因惠書賁訪相見極歡祝先生曰某不自揣蒐羅楊園先生遺書刪輯得若干卷慮其散失藏之篋中志欲梓之以惠後學而力不能君如能之亦先生一知己也余曰諾祝先生再拜而以全稿手授焉攜歸卒讀以訓兩兒炤史黜終身誦之顧家無負郭授徒所入僅足以供朝夕力未能全刊先刊其備忘四卷自戊辰迄壬申

炤園

京師禮闈三黜冬歸冰合癸酉春病終於淮上舟次遺稟有悔鶩名場不能奉嚴訓從事性命之學以終子職且云楊園先生集兒夢中猶讀其全刻也等句黜閱竟大慟謀所以復前諾慰九京者遂陸續開雕至丙子而竣事闢試後黜以全集呈督學雷公請序公既命序召余晉謁接膝談次謂清獻公楊園先生其學一也淳淳以卽是訓子翁爲

皇上南巡公以余應

召試薦余辭不就試公知余不求名或於學有得也重以公訓細加校對爲先生之書廣其傳其備忘四卷爲先生著述之精華單行而不列序目亦不敢妄易祝先生原序目也其序目所列願學有記備忘有錄請問有目所以成已由是而課於家則有訓子語坊於俗則有經正錄初學備忘學規等書所以成物見善如不及言行見聞錄近古錄於是乎勸見不善如探湯近鑑於是乎戒孟子曰養生者不足以及當大事惟送死可以當大事則喪祭雜說存焉若詩若書若答問及門人所記雖非先生手自編次而精神心術無不於此散見若終以農書竊附孝弟力田之義非謂必欲出此也此可以觀先生矣此可以讀其書得道所從人矣是集之成黜之心力爲多而嘉興門人陳晉暨秀水鄭登棟實伙助焉嘉興後學朱芬敬書



凌翰安先生原序

人之爲學所以修身盡性也性雖無形而其理不越倫常事物之間故踐形卽所以盡性下學卽所以達天知道器之不離則可與言性矣自論性不明往往有爲傳心之學而反失其本心全失張念芝先生於學絕道晦之日獨明於心性之故而修身力行以踐其實其於是非真僞之際辨之明而守之篤其言曰子思首原天命之性而蔽其言於大本達道孟子揭性善二字以示人而驗其情於四端之發由是而紛紛之說始定厥後程子出而曰性卽理也又明確不移聖人復起不易其言陽明易之以心卽理也便錯蓋心則虛而活謂之具衆理則可謂心卽

楊園先生全集

序

一

理則不可況渠以無善無惡言心之體則所謂心卽理者亦屬鴉突不過師心自用廢却讀書窮理之功而已不窮理則不知性不知性豈能盡心故姚江之學興則說理全無根據浸淫於禪而不覺矣此張子見道不惑尊開行知故其言之焯焯如此而知之者則寥寥也抑思百餘年來聖學榛蕪反覆沉痾士子毀棄程朱不識孔孟猖狂自恣往而不返學術既亂士習益壞士習壞而生心害政之禍淪胥而莫救學術之所關大豈小哉近日崇正關邪間有其人然大半爲語言文字之習講論愈繁而知德者鮮文章日多而約禮者寡卑知竭能於時藝之中謂是盡聖賢之蘊卽所以論道講學而於修辭立誠之義莫之體

會時朱子倦倦註釋遺經微迺後學竟是安排作時文地步而以修飾言辭爲干進利祿之資又斯道之憂也惟念芝先生學有本原功崇實踐守集義養氣之功以致力於庸言庸行之際道器不離動靜無間驗其素履則歷險難而不渝極困窮而自得凡發爲語言文字絕不矜情作意而藹然自見於充積之餘言愈近而旨愈遠見愈親而理愈實非深造自得者不能也先生之學可謂明而誠矣先生生於明季少時向道聞山陰劉先生爲海內學者所宗往受業於門既歸而肆力於孔孟程朱之書識日益精學日益大德業日益純仰質先聖今昔一揆某故無狀不能名其所至然與先生交三十年觀其語默動靜積厚

楊園先生全集

序

士

流光竊以爲朱子之後一人非特泰山北斗之仰而已邈遠宇宙必有負異挺特篤實爲己之士讀其書自有以得其中之所存也

楊園先生全集目次

經正錄第一 原本

願學記第二 遺稿刪存

問目第三 遺稿刪存

備忘錄遺第四 舊稿

詩第五 舊為文集刪存

書第六 舊為文集刪存 補遺稿一則

初學備忘第七 刪存

學規第八 舊附見文集

訓子語第九 原本

楊園先生全集 目次

答問第十 舊入文集刪存

門人所記第十一 舊為訓門人語節取

言行見聞錄第十二 刪存

近古錄第十三 刪存

近鑑第十四 節取

喪祭雜說第十五 遺稿 雜錄附

農書第十六 原本

經正錄者先生經世之大方也於此可見脩道之權衡
禮教之次第焉故以冠全書次之以願學記問目備忘
錄進學之序蓋如此詩書則德輝之著也又次之以初

學備忘學規善誘之教蓋如此訓子語答問及門人所

記則因材之篤也見聞錄近古錄知取善之宜廣近鑑

示遠惡之宜早崇德脩慝而惑亦不可以無辨故喪祭

雜說次之然而正其德者必厚其生治生以農桑為本

故農書終焉詮又謹

楊園先生全集 目次

楊園先生經正錄自序

天之恒道民實秉之存亡顯晦而治亂以分由古準今百世無
改也故綱常者經世之本父子君臣之道得而國治猶恒星不
愆而五氣順布四時序行也邪慝生於心則禍亂中于世殆非
朝夕之故矣極陰生陽無往不復有開必先非學術不爲功藉
取反經之義爰輯舊聞舉其要約手訂是編以資下學之助或
正其本云爾

楊園先生全集

經正錄
自序

經正錄目次

朱子訓學齋規第一

此小學之事業養以正作聖之基故居首

朱子白鹿洞學規第二

此大學之事由小學而大學不躐等也師舍是無以教
弟子舍是無以學二者所以修身也

司馬溫公居家雜儀第三

此齊家之事君子修其身則言有物行有恒故雜儀次
之

朱子增損呂氏鄉約第四

此御邦家之事修身齊家而後可以化民成俗治平之
業則舉而措之耳故次之以鄉約終焉

楊園先生全集

經正錄
目次

經正錄

桐鄉張履祥念芝氏纂

訓學齋規

紫陽朱子文公著

夫童蒙之學始于衣服冠履次及語言步趨次及灑掃滌滌次及讀書寫文字及諸雜細事宜皆所當知今逐目條列名曰訓學齋規一作童蒙須知若其修身治心事親接物與夫窮理盡性之學自有聖賢典訓昭然可攷當次第曉達茲不復詳著云

衣服冠履第一

楊園先生全集

經正錄

大抵爲人先要身體端正自冠巾衣服鞋襪皆須收拾愛護常令潔淨整齊我先人常訓子弟云男子有三緊謂頭緊腰緊腳緊頭謂頭巾未冠者總髻腰謂以縲或帶束腰腳謂鞋襪此三者要緊束不可寬慢寬慢則身體放肆不端嚴爲人所輕賤矣凡著衣服必先提整襟領結兩袖紐帶不可令有闕落飲食照管勿令汙壞行路看顧勿令泥濘

凡脫衣服必齊整摺疊箱箚中勿散亂頭放則不爲塵埃雜穢所汙仍易于尋取不致散失著衣既久則不免垢膩須要勤勤洗浣破綻則補綴之儘補綴無害只用完潔

凡盥面必以巾悅遮護衣領捲束兩袖勿令有所濕

凡就勞役必去上籠衣服只著短便愛護勿使損汙

凡日中所著衣服夜臥必更則不藏蚤虱不卽敝壞苟能如此則不但威儀可法又可省費衣服晏子一狐裘三十年雖意在儉化俗亦其愛惜有道也此最飭身之要毋忽

語言步趨第二

凡爲人子弟須要常低聲下氣語言詳緩不可高聲喧問浮言戲笑父兄長上有所教督但當低首聽受不可妄自議論長上簡責或有過誤不可便自分解姑自隱默久却徐徐細意條陳云此事恐是如此向者當是偶爾遺忘或云當是偶爾思省未至若爾則無傷忤事理自明至於朋友分上亦當如此

楊園先生全集

經正錄

七

凡聞人所爲不善下至婢僕違過宜且包藏不應便爾聲言當相告語使其知改

凡行步趨踰須是端正不可疾走跳踴若父母長上有所喚召却當疾走而前不可舒緩

灑掃清潔第三

凡爲人子弟當灑掃居處之地拂拭几案常令潔淨文字筆硯凡百器用皆當嚴肅整齊頓放有常處取用既畢復置元所凡父兄長上坐起處文字格札之屬或有散亂當加意整齊不可輒自取用

凡借人文字皆置簿鈔錄主名及時取還窓壁几案文字間不

可書字前輩云墳筆汚墨痕子弟職書几書研自點其面此爲最不雅潔切宜深戒

讀書寫文字第四

凡讀書須整頓几席令潔淨端正將書冊整齊頓放正身體對書冊詳緩看字仔細分明讀之須是讀得字字響亮不可誤一字不可少一字不可多一字不可倒一字不可牽強暗記只是要多誦遍數自然上口久遠不忘古人云讀書千遍其義自見謂讀得熟則不待解說自曉其義也余嘗謂讀書有三到謂心到眼到口到心不在此則眼不看仔細心眼既不專一只漫浪誦讀決不能記記不能久也三到之中心到最急心既到矣眼口豈不到乎

楊園先生全集

經正錄

主

凡書冊須要愛護不可損汙摺擠陽江祿書讀未竟雖有急速必待掩束整齊然後起此最爲可法

出顏氏家訓

凡寫文字須高執墨錠端正研磨勿使墨汁汙手高執筆雙鉤端楷書字不得令手指著毫

凡寫字未問寫得工拙如何且要一筆一畫嚴正分明不可潦

艸

凡寫文字須要仔細看本不可差誤

雜細事宜第五

凡子弟須要早起晏眠

凡誼閤爭鬪之處不可近無益之事不可爲

謂如賭博籠養打毬踢球放風禽等事

凡飲食有則食之無則不可思索但粥飯充飢不可闕

凡向火勿迫近火傍不惟舉止不佳且防焚蒸衣服

凡相揖必折腰

凡對父母長上朋友必稱名及稱呼長上不可以字必云某丈

如異姓者則云某姓某丈

凡出外及歸必于長上前作揖雖暫出亦然

凡飲食于長上之前必輕嚼緩嚥不可聞飲食之聲

凡飲食之物勿爭較多少美惡

楊園先生全集

經正錄

四

凡侍長者之側必正立拱手有所問則必實對語言須不可妄

凡開門揭簾惟徐徐輕手不可令震驚響

凡衆坐必斂身不可廣占坐席

凡侍長上出行必居路之右住必居左

凡飲酒不可令至醉

凡如廁必去上衣下必浣手

凡夜行必以燭無燭則止

凡侍僕婢必端嚴勿得與之嬉笑

凡執器皿必敬謹惟恐有失

凡危險不可近

凡道路遇長者必正立拱手疾趨而揖

凡夜臥必以枕勿以寢衣覆首

凡飲食舉匙必置筯舉筯必置匙食已則置匙筯于案

雜細事宜品目甚多姑舉其畧然大概具矣凡此五篇若能

遵守不違自不失為謹愿之士必又能讀聖賢之書恢大此

心進德修業入于大賢君子之域無不可者汝曹宜勉之

白鹿洞書院學規

紫陽朱子文公著

父子有親

君臣有義

夫婦有別

長幼有序

朋友有信

楊園先生全集

經正錄

五

右五教之目堯舜使契為司徒敬敷五教卽此是也學者學

此而已而其所以學之之序亦有五焉其別如左

博學之

審問之

慎思之

明辨之

篤行之

右為學之序學問思辨四者所以窮理也若夫篤行之事則

自修身以至于處事接物亦各有平其別如左

言忠信

行篤敬

懲忿窒慾

遷善改過

右修身之要

正其誼不謀其利 明其道不計其功

右處事之要

已所不欲勿施於人 行有不得反求諸己

右接物之要

熹竊觀古昔聖賢所以教人為學之意莫非使之講明義

理以修其身然後推以及人非徒欲其務記覽為詞章以

釣聲名取利祿而已也今人之為學者既反是矣然聖賢

所以教人之法具存于經有志之士固當熟讀深思而問

辨之苟知其理之當然而責其身以必然則夫規矩禁防

之具豈待他人設之而後有所特循哉近世于學有規其

待學者為已淺矣而其為法又未必古人之意也故今不

復以施于此堂而特取凡聖賢所以教人為學之大端條

楊園先生全集

經正錄

六

列如右而揭之楣間諸君其相與講明遵守而責之于身

焉則夫思慮云為之際其所以戒謹而恐懼者必有嚴於

彼者矣其有不然而或出于此言之所棄則彼所謂規者

必將取之固不得而畧也諸君其亦念之哉

居家雜儀

涑水司馬氏溫公著

凡為家長必謹守禮法以御羣子弟及家衆分之以職謂使之

視康庖厨舍謂朝夕所幹及非常之事而責其成功制財用之節

量入以為出稱家之有無以給上下之衣食及吉凶之費皆有

品節而莫不均壹裁省冗費禁止奢華常須稍存贏餘以備不

虞

凡諸卑幼事無大小毋得專行必咨稟于家長易曰家人有嚴
也安有嚴君在上而其下敢直行自恣不顧者乎雖非父母之謂
時為家長者亦當咨稟而行之則號令出于一家家政始可得
而治矣

凡為子為婦者母得蓄私財俸祿及田宅所入盡歸之父母舅
姑當用則請而用之不敢私假不敢私與內則曰子婦無私貨
私假不敢私與婦若賜之飲食衣服布帛佩飾則受而獻
諸舅姑舅姑受之則喜如新受賜若反賜之則辭不得命如更
受賜藏之以待乏鄭康成曰待舅姑之乏也不得命者不見許
也又曰婦若有私親兄弟將與之則必復請其故賜而後與之
夫人子之身父母之身也身且不敢自負況敢有私財乎若父
子異財互相假借則是子富而父母貧者父母飢而子飽者
賈誼所謂借父棖鎚慮有德色毋取其簪立而碎
語不孝不義孰甚于此呂氏切音憂諱音碎

楊園先生全集

經正錄

七

凡子事父母孫事祖婦事舅姑亦同天欲明威起盥音管洗漱
櫛阻瑟切總所以束髮具冠帶丈夫冠子衫帶味爽謂天明暗
適父母舅姑之所省問安否何如侍者曰安乃退其或不安節
則侍者以告此父母舅姑起子供藥物子當親自檢數調煮供
進不可但委婢僕脫婦晨羞俗謂點心易曰在中饋詩云惟
若有誤即其禍不測婦晨羞酒食是議凡烹調飲膳婦人之
職也近年婦女驕倨不肯入庖廚今縱供具畢乃退各從其
不親執刀匕亦當檢校視務令精潔供具畢乃退各從其
事將食婦請所欲於家長謂父母舅姑或當時家長退具而供
之尊長舉筋子婦乃各退就食丈夫婦人各設食於他所依長
幼而坐其飲食必均壹幼子又食于他所亦依長幼席地而坐
男坐于左女坐于右及夕食亦如之既夜父母舅姑將寢則安

置而退

丈夫唱喏婦女道安
置此即禮之昏定也居閑無事則侍於父母舅姑之所
容貌必恭執事必謹言語應對必下氣怡聲出入起居必謹扶
衛之不敢涕唾喧呼於父母舅姑之側父母舅姑不命之坐不
敢坐不命之退不敢退

凡子受父母之命必籍記而佩之時省而速行之事畢則返命
焉或所命有不可行者則和色柔聲具是非利害而白之待父
母之許然後改之若不許苟於事無大害者亦當曲從若以父
母之命為非而直行已志雖所執皆是猶為不順之子況未必
是乎

楊園先生全集

經正錄

八

凡父母有過下氣怡色柔聲以諫諫若不入起敬起孝悌則復
諫不悅與其得罪於鄉黨州閭寧熟諫父母怒不悅而撻之流
血不敢疾怨起敬起孝
凡為人子弟者不敢以貴富加于父兄宗族加謂恃其富貴
凡為人子者出必告反必面有賓客不敢坐於正廳有賓客坐
書院則坐于書院則坐于升階不敢由東階上下馬不敢當廳凡事不敢白
擬於其父
凡父母舅姑有疾子婦無故不離側親調嘗藥餌而供之父母
有疾子色不濡容不戲笑不宴遊舍置餘事專以迎醫檢方合
藥為務疾已復初顏氏家訓曰父母有疾子拜醫以求藥
凡子事父母父母所愛亦當愛之所敬亦當敬之至于犬馬盡

然而況于人乎

凡人事父母樂其心不違其志樂其耳目安其寢處以其飲食忠養之幼事長賤事貴皆倣此

凡子婦未敬未孝不可遽有憎疾姑教之若不可教然後怒之若不可怒然後笞之屢笞而終不改子放婦出然亦不明言其犯禮也子甚宜其妻父母不悅出子不宜其妻父母曰是善事我子行夫婦之禮焉沒身不衰

凡為宮室必辨內外深宮固門內外不共井不共浴室不共廁男治外事女治內事男子晝無故不處私室婦人無故不窺中門男子夜行以燭婦人有故出中門必擁蔽其面如蓋頭面男

楊園先生全集

經正錄

九

僕非有繕修及有大故謂水火盜不入中門入中門婦人必避之不可避亦謂如水火亦必以袖遮其面女僕無故不出中門

有故出中門亦必擁蔽其面雖小婢鈴下蒼頭但主通內外之言傳致內外之物毋得輒升堂室入庖廚凡卑幼于尊長晨亦

省問夜亦安置丈夫唱喏婦人坐而尊長過之則起出遇尊長于塗則下馬不見尊長經再宿以上則再拜五宿以上則四拜

賀冬至正旦六拜朔望四拜凡拜數或尊長臨時減而止之則從尊長之命吾家同居宗族衆多冬至朔望聚于堂上此假設

制臨時從宜堂若宅舍異丈夫處左西上婦人處右東上左右謂家而而之共為一列各以長幼為序婦以夫之長幼為序共拜家長畢長

兄立於門之左長姊立於門之右皆南向諸弟妹以次拜訖各

就列丈夫西上婦人東上共受卑幼拜以宗族多若人人致拜

受拜訖先退後輩立受拜于門東西如前輩之儀若卑幼自遠方至見尊長遇尊長三人以上同處者先共再拜叙寒暄問起居訖又三再拜而止晨夜唱喏萬福安置若尊長三人以

凡受女婿及外甥拜立而扶之扶謂外孫則立而受之可也

凡節序及非時家宴上壽於家長卑幼盛服序立如朔望之儀

先再拜子弟之最長者一人進立于家長之前幼者一人搢笏執酒蓋立於其左一人搢笏執酒注立於其右長者搢笏跪辭酒祝曰伏願某官俸膺五福保族宜家尊長飲畢授幼者盞注

楊園先生全集

經正錄

十

反其故處長者出笏俛伏興退與卑幼皆再拜家長命諸卑幼

坐皆再拜而坐家長命侍者徧酌諸卑幼諸卑幼皆起序立如

前俱再拜就坐飲訖家長命易服皆退易便服還復就坐

凡子始生若為之求乳母必擇良家婦人稍溫謹者乳母不良

家法兼令所飼之子能食飼之教以右手子能言教之自名及

子性行亦類之子能食飼之教以右手子能言教之自名及

唱喏萬福安置稍有知則教之以恭敬尊長有不識尊卑長幼者則嚴詞禁之古有胎教况于已生子始生未有知固舉以禮

顏氏家訓曰教婦初來教子嬰孩故于其始有知不可不使之知尊卑長幼之禮若侮罵父母毆擊兄弟父母不加詞禁反笑

內外僉憂恤主人之命各復其司以俟百後

六歲介育屬施惠能愛寄託能救世難能導人爲善能規人